

ტექნიკური დავალება

1. მიმწოდებელი იღებს ვალდებულებას მიაწოდოს შემსყიდველს სხვადასხვა ზომის გარედან ჩასაცმელი ტანსაცმელი (საქართველოს გარემოს დაცვისა და სოფლის მეურნეობის მინისტრის 2018 წლის 27 ივლისის № 2-615 ბრძანების საფუძველზე დამტკიცებული ფორმის, დანართი № 1-ის ტექნიკური დავალებისა და ფასების ცხრილის შესაბამისად)
2. შესაკერი საქონლის ფერების ზუსტი ტონალობა უნდა შეთანხმდეს შემსყიდველთან.
3. კონტროლი (მათ შორის ლაბორატორიული შემოწმება) შესაძლებელია განხორციელდეს ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არარსებობის პერიოდში.
4. პირველ ეტაპზე შესაკერი საქონლის ზომები მიმწოდებელმა თავად უნდა აიღოს და დაადგინოს საქართველოს სხვადასხვა რეგიონებში (**თბილისი** გ.გულუას ქუჩა № 6. **თელავი** ვარდოშვილის ქ. № 7. **რუსთავი** ფიროსმანის ქ. № 19. **მცხეთა** სამხედროს ქ. № 5, **გორი** ქარხნის ქ. № 40. **ახალციხე** ახალციხე ახალქალაქის გზადკეცილის მიმდებარედ. **ქუთაისი** სადგურის მოედანი № 3ა. **ამბროლაური** ვაჟა-ფშაველას ქუჩა. **ოზურგეთი**, ანასეული, მეცნიერების ქუჩა № 9. **ზუგდიდი**, სოფელი ჭითაწყარი. **ბათუმი** პუშკინის № 145.), ხოლო მომდევნო ეტაპებზე შესაკერი საქონლის ზომების აღება მოხდება მიმწოდებლის შესაბამის მისამართზე.
5. მოწოდებული საქონლის ზომებთან შეუსაბამობის შემთხვევაში მიმწოდებელი ვალდებულია საკუთარი ხარჯებით უზრუნველყოს ფორმის გადაკეთება და შემსყიდველისთვის მიწოდება, ან და ახლით შეცვლა.
6. საქონლის მიწოდების შემდეგ არჩევითი მეთოდით, საქონელი შემსყიდველის მიერ გადაიგზავნება სსიპ „ლევან სამხარაულის სახელობის ექსპერტიზის ეროვნული ბიურო“-ში, რათა შესყიდვის ობიექტს ჩაუტარდეს საექსპერტო კვლევა მაში გამოყენებული მასალის, სტრუქტურასა და სიმკვრივეზე.

1. შარვალი


მუქი ლურჯი ფერის ქსოვილისგან, სწორი სილუეტის, გვერდითი დახრილი ჯიბეებით, წინა ნახევარზე თითო ნაკეცით. მარცხენა წინა ნახევარზე დამუშავებულია პატარა - მოცულობითი ჯიბე სარქველით. სარქველი ჯიბეზე იბნევა ტექნიკური შესაბნევით. წინა ნახევარზე მუხლის არეში დაკერებულია საცვეთები. ორივე გვერდის ნაკერის გასწვრივ, მუხლის ზემოთ დაკერებულია შემხვედრ ნაკეციანი ზედნადები ჯიბე სარქველით. სარქველი ჯიბეზე იბნევა ორი ტექნიკური შესაბნევით.

შარვლის უკანა ნახევარზე დაკერებულია მისივე სიგანის ტოლი საცვეთი, რომლის ნახევარი გამოყენებულია უკანა ჯიბეთ, დახრილი ჯიბის პირით. ჯიბისა და გვერდის ნაკერში (ჯიბის თავზე) ჩაყოლებულია სინთეტიკური მასალის მყარი 2,5 სმ +/-0,1მმ სიგანის შავი ფერის ლენტის (ქამარი) მხოლოდ მარჯვენა უკანა ნახევარზე. სათავე დამუშავებულია მიკერებული ქამრით, გვერდებში (ორ საქამრეს შორის) რეზინით. სათავეზე მიკერებულია 4 სმ +/-0.2მმ სიგანის 5 საქამრე. მარჯვენა კალთის საქამრეზე განთავსებულია რკინის ნახევარ რგოლი. გულფიკი დამუშავებულია ელვა შესაბნევით. ქამარი იბნევა ერთი ღილით ღილკილოზე.

ქსოვილი - მუქი ლურჯი ფერის, ქსოვის სტრუქტურა „რიპსტოპი“

შემადგენლობა - ვისკოზა -50%+/-5%, პოლიესტერი -50% +/-5%

წონა: 1 მ/კვ 220გრ.+/-10გრ



2 მაისური „ა“ ტიპის

დამუშავებულია ლურჯი ფერის ტრიკოტაჟული ქსოვილისგან. სილუეტი სწორი, გადაფენილი ტრიკოტაჟული საყელოთი. მაისურის გულფიკი იბნევა სამი ღილით ღილკილოზე, სახელო მოკლე ჩაკერებული დაბოლოებული მანჟეტით. წინა კალთაზე მარცხენა მხარეს მიკერებული აქვს შოლკოგრაფიის მეთოდით დამზადებული ლოგო, ზურგზე ნაქარგი წარწერა (გარემოს დაცვა).

ქსოვილი: ლურჯი, ე.წ. „პოლო“.

შემადგენლობა: 100 % ბამბა.

წონა: 1 მ/კვ 190გრ.+/-10გრ

საყელო- ჩამოქსოვილი - ტრიკოტაჟი

მანჟეტი - ჩამოქსოვილი - ტრიკოტაჟი



3 მაისური „ბ“ ტიპის

დამუშავებულია ლურჯი ფერის ტრიკოტაჟული ქსოვილისგან. ყელისა და კისრის განჭერში ჩაკერებულია ორმაგი ტრიკოტაჟული რეზინის საყელო +/- 2მმ 2.5 სმ.

სახელო ჩაკერებული - მოკლე.

ქსოვილი: ლურჯი

შემადგენლობა: 100% ბამბა .

წონა:1 მ/კვ 170-200 გრ.

4. ჟილეტი

დამუშავებულია ლურჯი ფერის ქსოვილისგან, სწორი სილუეტის საყელო ნახევრად დგარი. მარცხენა წინა კალთაზე დაკერებულია შოლკოგრაფიის მეთოდით დამზადებული ლოგო. კალთები ერთმანეთზე იბნევა ელვა შესაბნევით. წინა კალთებზე დაკერებულია მოცულობითი ჯიბე სარქველით, სარქველის ქვეშ დამატებითი ზედნადები ჯიბით. სარქველი ჯიბეზე იბნევა ორი ტექნიკური შესაბნევით. მარჯვენა კალთაზე დაკერებულია ორმაგი პატარა მოცულობითი გულის ჯიბე სარქველით, სარქველი ჯიბეზე იბნევა ერთი ტექნიკური შესაბნევით. სარქველზე განთავსებულია ერთი ლითონის ნახევარ რგოლი, მარჯვენა კალთაზე გვერდის ჯიბის თავზე დამუშავებულია ჯიბე ელვა შესაბნევით.

ზურგი არის ახსნილი კოკეტკიანი, რომელიც ზურგზე იბნევა სამი ტექნიკური შესაბნევით. კოკეტკაზე მიკერებულია სარქველი წარწერით (გარემოს დაცვა), რომელიც საჭიროების შემთხვევაში აიკეცება და შეინახება კოკეტკის ქვეშ. ზურგის შუა ნაწილში, ვერტიკალურად დამუშავებულია გაჭრილი ორი შეხსნილი, რომელიც გვერდებზე უნდა გადმოვიდეს 0,5სმ +/-0,1სმ, ჟილეტის კალთის გვერდის შეხსნილები მომრგვალებულია.

ზურგის ქვედა ნაწილზე განთავსებული მოსაჭიმები დამუშავებულია ორმაგი საზედაპირე ქსოვილით, რომელიც იბნევა წინა კალთაზე დამაგრებულ, ლითონის ორი ნახევარ რგოლით.

სარჩულად გამოყენებულია საზედაპირე ქსოვილი. ორივე წინა კალთის სარჩულზე დაკერებულია გულის ჯიბე, რომელიც იბნევა ტექნიკური შესაბნევით. ზურგის სარჩული წელის ხაზის ზემოთ არის „სეტკა ბადე“. სარჩულის წელის ხაზზე დამუშავებულია ჯიბე ელვა შესაბნევით.

ქსოვილი -მუქი ლურჯი, ქსოვილის სტრუქტურა „რიპსტოპი“

შემადგენლობა - ვისკოზა - 50% +/-5%, პოლუესტერი - 50% +/-5%

წონა: 1 მ/კვ 220გრ.+/-10გრ



5. საწვიმარი ქურთუკი

სწორი სილუეტის, ჩაშვებული, საყელო დგარი, სახელო ჩაკერებული, ჩაშვებული სახელოს ბოლოზე სარჩულის მხრიდან მიკერებული აქვს თავისივე ქსოვილი, რომელიც ბოლოვდება შიგ გაყრილი რეზინით. წინა კალთები ერთმანეთზე იბნევა ელვა შესაბნევით, რომელიც დაფარულია თამასით, თამასა კალთაზე იბნევა სამი ლითონის კნოპით და ტექნიკური შესაბნევით, წინა კალთებზე დამუშავებულია გაჭრილი სარქველიანი ჯიბე.

ზურგი ახსნილი კოკეტკიანი, რომელიც ზურგზე იბნევა სამი ტექნიკური შესაბნევით, კოკეტკაზე მიკერებულია არეკვლადი წარწერიანი სარქველი (გარემოს დაცვა), რომელიც საჭიროების შემთხვევაში აიკეცება და შეინახება კოკეტკის ქვეშ. მარცხენა წინა კალთაზე მკერდის ხაზთან დაკერებულია შოლკოგრაფიის მეთოდით დამზადებული ლოგო.

საწვიმარი თხელ სარჩულიანია, საწვიმარს აქვს მოსახსნელი სამ ნაწილიანი წინაფრთიანი კაპიშონი რომელიც კისერში მაგრდება სამი რკინის კნოპით, კაპიშონის ელვა გადმოდის კაპიშონის მთელ სიგრძეზე, რომლის საშუალებითაც ხდება ზომის რეგულირება, კაპიშონი უნდა იყოს ზონარგაყრილი პლასტმასის მარეგულირებელი მომჭერებით. საწვიმრის სიგრძე უნდა იყოს მუხლს ზემოთ 10სმ +/-2სმ ინდივიდუალური ზემოზის გათვალისწინებით.

გამოსაყენებელი ქსოვილი - მუქი ლურჯი ფერის წყალგაუმტარი 100% პილოესტერი, ქსოვილის შიგნითა მხარე დაფარული არის PVC ან PU მასალით:

ქსოვილის წყალამრიდობის დონე BS EN 24920:1992 ; ISO 4920:1981 სტანდარტის

მიხედვით -ISO 3 (80);

ქსოვილის წყალგაუმტარობა არანაკლებ 8000 მმ (H₂O) წყლის სვეტისა.

1 მ/2 წონა ზედაპირული სიმკვრივე 150 – 180 გრ



პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----